

北京日報 第二百六十四冊 四月十九日

代表人朱淇

宮門抄

四月十八日 工部 鴻臚寺 正藍旗值日無引 見
召見軍機

譯論

武德論

譯國民新聞蘇峰生稿

按全國皆兵之主義。凡國民總須有尚武之精神。雖少年而已應備武人之要素。今試論武德。此不止單為陸海軍人為然也。夫凡一切人事之發起。莫不基於道德。而一切人事之歸著。莫不達於道德。然常國民徒尚武事訓練之時。其國民品性之影響。果如何乎。此又不可不論明之。而使之不留餘蘊也。茲就其重要者言之。以觀察焉。夫武之與勇。殆如一物。然由兩面觀之。則各有不同。武德之本體在於勇。此不待言矣。但尤須更進一步而精究其勇何由動機而生乎。此殆非為渴血。非為嗜殺。亦非為動物本能之暴發而然也。其本源則職分之二字而已。故無論何人。莫不珍重其職分。輕生命而重職分者。謂之武人。雖盡職分一事。不獨武人為然。然武人於其本分。必須如此。總在期其必不可不如此而已。夫天下之事。未有大於死生者也。若既超然於死生之際。則是人生難題之大部分。亦既透徹而跳脫矣。故武人於其責任之所應以。不得不透徹以副之。設有武人百人。其見解可以合為一體。則其期赴死之心。亦一體。為其職分之所應以。當困逆至極之時。不可不赴死地者一也。是故追尋武德。則歸著於悟透死生之一點。此固古今來能產出心地光明靈機超逸之英傑武人之所由來也。若就武德之平常物而觀之。則從順即武人之特色也。進一步而言之。若不從順。則不可以成武人。又不能為武人。蓋軍隊之活動。一由命令。若不遵命令。則軍隊即暴民而已。是故英國（第尼孫）卿所言曰。軍隊者。不須問如何理由。只有依循命令。奮進而就死地而已。此不特單講英國之輕騎兵為然也。總所有之國人。總所有之軍隊。皆當准此。蓋既屬軍隊。則不許有各自爭勝之行動。惟在一切之運動。悉遵其協同之目的。總而言之。

則本屬軍人。凡屬部隊。皆大機關之一部。而各人各部。互相照應。然後能運轉其機關之輪。是協戮之精神。為武德之一。此所以不能不一以統之之所由也。其或有自稱武人。而固執暴戾。或不服節度。不守定規者。在人或誤刺之。不知彼實因未解武德之為何物故耳。蓋世間無如武人之恭謙。無如武人之謹慎。無如武人之從順。無如武人之寬厚。又無如武人之淡泊瀟灑者。若有或不如之武人。則彼未達武人之本分。實地而已。蓋職分之念。從順之性。協戮之情。無一而不為武者也。昔者（柳生但馬守）曰。（予）不會克敵之道。然可會克己之道。是則將武德之精要。囊括於一句之警言也。夫勝利者。發揮武德之效果也。然不誇勝利。則知武德之為更大也。偶際凱旋大觀兵式。見曠古之盛儀。仰皇圖武德之宏大。感歎已極。作武德論。（漁生）

要緊新聞

奏改鐵路大臣為督辦大臣○昨有摺片交政務處議覆查係商部奏辦理京漢滬甯鐵路大臣改為督辦大臣仍由商部稽查等因摺上奉 旨政務處議奏

土藥統稅新章○土膏統捐建議議良久近經財政處等擬定土膏統捐每百斤抽一百兩另抽一五稅十五兩即給印花放行以後到處不准再抽以示限制至該項土膏統捐即應改名土藥統稅云云聞已由財政處等具摺奏聞奉 旨依議矣

京城不另設管理膏捐大臣○日前柯大臣逢時奏辦八省膏捐當時曾奏請在京城另派重臣管理現因土藥統稅既由財政處戶部核辦若另派重臣管理轉未免事出兩歧昨財政處等已奏明柯逢時所請在京城另派重臣管理膏捐一節應毋庸議均奉 旨依議矣

獎勵浙紳○浙江之墮民鬻鬻粵省之蠶戶向來絕不講究教育以故人多愚陋幾不齒於人數可惜亦可憫也浙省籍紳盧君洪昶去年特捐立蒙小學堂收教墮民永除丐籍使一般墮民得以復見天日此志殊足嘉尚近者商部特奏請將該紳盧洪昶以道員獎叙俾勸將來聞已奉 旨依議矣

訴訟法將見實行○法律大臣編輯訴訟法告成具奏奉 廷寄交各省督撫體察情形辦理會紀前報茲聞直督袁宮保極力贊成不日將奏請實行云

都察院主覆刪除虛擬死罪稿○法律大臣奏刪除虛擬死罪一摺奉 旨交刑部都察院議奏已紀前報聞兩署堂憲商定仍由都察院主稿其中有議准者有議仍照舊章者不日即可覆奏云

桂省遷署南甯之說未確○桂林撫潘某等署擬於五六月遷往南甯會紀前報茲聞樞垣人說尚未奏報到京想斯事體大非奉 旨允准未能函莽從事也

保薦議員○海牙萬國和平會歐美各國甚為鄭重其事中國祇以伍侍郎為領議員之職於各國邦交不無隔膜前經駐俄胡使電請派員常川駐會以相聯絡外部以一時無合格人員故久未奏派現聞駐英汪使奏保美使署所僱洋員嘉君効力有年熟諳公法人頗可靠堪充和蘭保和公會議員之差遣等語聞已奉 廷議允准矣

照復曹克並無仇教○日前駐京法使照會外部謂山東曹克並等州近有大力會出沒專事仇教等語當經外部電飭東撫楊蓮帥查復旋據復電謂曹克並并無大力會仇教之舉動唯盜匪未絕時有劫案現極力辦理警察加意彈壓所有教士洋商來往均保護安寧可保無虞云云外部已據情照復法使矣

鐵大司農不允司員辭差○日前四川司萬君力陳公舉積壓已派員查實當將該司印稿或調或降另委高君增榮等為該司正主稿而高君等以公事非所素習恐有扞格之處力為辭退當蒙大司農面諭勉為其難毋庸謙讓不允所請高君無奈懇將底司江南正主稿上行走烏布暫為不開以作退步緣高君有鑒於前年趙次帥在戶部時曾調貴州司正主稿上行走蕭君開甲為山西司額外正主稿後次帥離任該司適有正主稿缺出似屬蕭君應得不料竟屬他人而底司烏布早經開去高君等有鑑於此故以力辭云辦事之難於此可見

通飭詳報盜存匯費○從前各省應行解京之稅餉洋款等項匯費定價昂貴現在各省銀行林立匯價比前大減戶部亦以本部既設銀行於匯價知之甚悉故目前通飭各省將溢存之款自行切實詳報候提毋得隱瞞云云

警部示諭○巡警部為出示曉諭事照得辦理巡警自以清查戶口為第一要義本部已將清查京城戶口大概辦法於本年四月初二日具奏奉 旨依議欽此查人民之消長風俗之純雜非清查戶籍無以清其源京師為首善之區官宦客商四方萃會館林立客店櫛比加以煙館茶舖戲園娼寮紛繁雜錯最易藏奸至於居民其居住大街者尚不難一覽而知而小街巷並大小奇零城窪遠瀾居處散漫或一戶多至十餘家或一闔僅有四五戶非澈底根究宵小容易藏隱良善難保衛為此合行曉諭內外城官商一切人等知悉本部創辦伊始此次清查戶數不查丁口數

將某某號暫記各家門口挨戶編排於戶主祇問姓名籍貫於營業只問官商士民極求簡易毫不滋擾除嚴諭派辦各員抽認真開導外爾各住戶亦當一體周知毋得輕信謠言互相猜忌如有妄造異議煽惑人心本部當訪拏重辦不貸切切毋違特示

譯電

英國新簡駐北京公使○西歷五月十一號路透電云英國駐北京公使薩道義業任滿返國已簡派前駐漢城(高麗京城)公使左丹為駐北京公使以繼薩君之後云
日艦隊行抵澳洲○同日又電云日本水師艦隊已行抵滅爾波尼(澳洲大商埠)一切軍需均已格外整備云
埃兵巡防蘇彝士河○同日又電云埃及巡防海口兵隊已運送大砲五尊前赴蘇彝士河西岸以資捍守云
英水師赴埃○同日又電云英國海軍少將巴頓堡魯易親王統率巡洋艦兩艘駛抵伯那亞斯其第二水師艦隊亦定期本日(西五月十一號即華四月十八日)出發云
英下議院提議裁兵○同日又電云工黨領袖威非安君在倫敦下議院提議裁減兵額之事畧謂海牙(荷蘭京城)平和會議開議之策各國既表同情此後兵禍可望息滅我英國宜從速實行裁減兵額以節糜費等語聞政府亦極贊成此舉云

摘譯東西各報

法案決裂謠傳○近日南昌教案法使強索多款外務部不允照辦磋商屢次迄未定局外間遂恐此案有決裂之勢又喧傳法使已調天津保定法兵整飭軍備將與中國開釁等語其實教案雖稍棘手法使亦斷不至以兵力威嚇所傳係屬謠言不足取信 (譯京津泰晤士報)
趙將軍請撥款開埠○奉天將軍趙爾巽日前奏請撥款十萬兩為滿洲開闢商埠之用聞已奉 旨允准矣 (譯京津泰晤士報)
撤兵尚非其時○近日各報紛傳各國將駐紮直隸兵隊一律撤退其實各國公使並未與中國政府商定撤兵一節目下尚非其時也 (譯益聞西報)

警部干涉日商開店○近有日本商人在北京洋界外新開店舖巡警部出而干涉之聞已咨照外務部轉咨日本公使禁阻日本開店以符約章未知日使如何答復查庚子以後日商在洋界外開店者已不下十數家概令移徙恐難辦到也 (譯警衛西報)

法國北方解嚴○法國北方罷工風潮未平前傳聞西五月一號國家舉行大祭之期有工黨乘機煽亂之說今祭期已過毫無險象當時官府防範過嚴見有形迹可疑之人輒即查拿今亦概行釋放地方上甚為安謐云云 (譯警衛西報)

意皇幸美蘭博覽會○意大利國在美蘭(意國大城)開設博覽會意皇已臨幸該處觀會聞擬在會場盤桓多日云 (譯益聞西報)

萬國郵政會議○各國近擬在伊大利羅馬將開萬國郵政會之中國委員現由北京政府議定以駐義公使為正員以前總稅務司赫德氏之公子為副員云 (東京日日新聞北京電)

德國照會設立駐營口領事○德國政府現照會北京政府新設駐營口總領事館云 (國民新聞)
英防達賴喇嘛○外部昨日昨接駐喀喇噠(譯音)張欽差來電言印度總督以達賴喇嘛為俄國黨聲言其證據確則英國政府亦有待彼之策誠恐釀出如何事端不如令彼歸國暫住薩甯爾島耶烈地方或召至北京之為得策云

(時事新報)

海參威之近情○海參威電俄領沿海洲總督(文達魯孟爾克兒)氏對此大國民議會擬由海參威選出代表員一員現在並幹旋就黑龍江北部新設鐵道之事云 (東京朝日新報長崎電)

選錄京外各報

請查西藏礦產○政府王大臣會商藏約現已簽押所有西藏地方產金之區甚富宜速電駐藏大臣委員詳細踏勘如果可採即行電覆以便揀派精通礦務人員前往試探或歸中英合辦或籌款自辦屆時再為核奪 申報
查辦西藏大員將起程○侍讀學士達壽奉 旨往西藏查辦要事約本月杪起程 新聞報
奉陳中俄議約宜宣布各省○日昨王侍御呈遞封奏一件畧謂中俄議約屢次稽延其中難免不無節外生枝電值改

兼考員才識即有准駁之處係屬出自公論庶免外人挾持原摺留中未發 申報

中俄會勘帕米耳界址○俄璞便向外部聲稱俄已派波斯某官往帕米耳測勘界址望中國亦派員會勘外部已電囑甘督疆撫於道府鎮協中而處派員前往并囑將會勘情形隨時電告 南方報

商部為陳列所貨品事致浙撫函○逕啟者本部創設京師勸工陳列所業於光緒三十一年三月二十一日奉明開辦並於年六月初五日刷印章程隨文寄達合端飭屬按照章程所開天產工藝兩類曉諭商民各就本地製造土貨有願遵章者陳列者或由地官轉送或由商人運送京師陳列所以憑陳列等因在案現在陳列所尅日工竣開辦在即各省寄送貨品先後將次到齊貴省製造物品日有進步務祈尊處查照前咨飭屬曉諭工商迅速檢送貨物寄交京師陳列所以供陳列是為盼禱 中外日報

警部衙署已請款興工○警部自奏請設立以來即假內城巡警局辦公屢經請款勘地另建衙署迄未定議茲悉該部堂官日前已勘定勾欄胡同地址奏請撥款二萬兩興工建造如有不敷臨時再行籌畫 南方報

調查郵政內容情形○中國郵政日見推廣商民稱便茲經總稅務司查明三十一年與三十二年比較細數如下 三

十年分 郵局一千三百餘處 信件六千五百萬件 包裹七十七萬箇 匯票五十萬兩 進款四十萬兩 三

十一年分 郵局一千六百餘處 信件七千六百萬件 包裹一百餘萬箇 匯票八十三萬兩 進款六十萬兩 新聞報

江大令手書補遺○江大令受傷後手書外間所見已多茲又見其致蘭姚介弟者附錄如左 二弟可囑兒妻子女

不可怨傷人有一死祇要死得其所何恨之有前日來信無禮逼迫今日請酒一在花園二在酒席三在密室後到劉

先生房內萬分逼迫弟不應拿已放鄧貴利逼應允放永遠監禁五人新昌案浦怪是弟解釋錯了 為新昌案力爭

被逼立放犯事教民以致決裂被殺 威逼萬分不要一人身邊一在對面小房廳一在席上吃完邀入密室又威

逼弟允解手逃至此劉先生房要他去說他又高抬身價 伴作驗即明白傷單在案并要劉先生眼見相驗為是

不上藥氣管斷無醫治 王安之說外國與官不好殺亦不妨不是一刀 劉先生極不安分他亦出言恫喝前任都

有乾修弟未送尚有王安之帶來陳先生亦非善類紫緊難過咳嗽不過喉 城內外派親保護教堂否 新聞報

遷省開埠事宜○廣西城遷設南甯并開商埠決志前報茲悉此事由張方伯鳴岐條陳舉雲帥深聽其議李仲帥暨余

廉訪均不以為然商酌迄無定議林中丞蒞任重申前議岑張持之甚堅已經岑雲帥奏明京電飭林中丞查酌情形

奏陳請 旨故特委丁道台乃揚署理左江道前往南甯查勘一切繪圖貼說詳細稟覆以便具 奏 岑督電派

張方伯鳴岐丁道乃揚會辦遷設省治事宜一切便宜行事司道預訂遷省經費約需一百餘萬金云 南甯府城自

開闢一事現亦委丁道乃揚籌辦并將改左江道為關道即奏以丁道補授而以龍道濟光調補右江道丁觀察乃

揚於三月十六日由省乘坐水師快船下駛 岑雲帥又有電飭張堅白方伯鳴岐余壽平廉訪誠格先行籌議遷省

事宜俟丁道乃揚查勘稟覆即可實行 委署左江道丁乃揚稟請將龍州通南鎮南稅關移設南甯以便實行開

埠將來左江道即兼南甯關監督事督撫均聽其議 新聞報 按此事向無奏報到京

舉定鐵路權理之稟批○具稟九善堂七十二行商等為商辦鐵路舉定權理乞恩俯准先電 奏咨立案永歸商辦以

鑒衆望而維大局事竊商等於光緒三十二年正月初十日在廣州總商會創辦粵漢鐵路集股事宜至二月中得有

的款九百餘萬收到二成小股一百八十萬蒙宮保疊次照會總商會查詢情形商等當即集議由商會稟覆旋奉批

准牌示在案應即迅舉權理稟請分別 奏咨立案無如頭緒紛煩離言雜出致稽時日今小股已續收數十萬合前

共得二百五十萬以二成伸算已得股本一千二百五十萬元是以商等於昨初一日邀集粵路各代表員齊集愛育

善堂東廳商辦鐵路議事所投筒公舉得數最多者鄭官應黃景棠許應鴻周麟述左宗蕃五員為正權理餘為協權

理維持路事竊思商等自創辦集股先行各行認股以為之倡是以衆情踴躍恐後爭先兩月以來致此效果今所集

股分已得的款一千二百五十萬而外卑認股尚不在此數是公之大局已成商辦之目的已達現奉前批准歸商

辦牌示本省地方官祇任保護一切財政選舉概不干涉如有阻撓破壞准其稟官嚴究具見惠我粵商大公至正商

界全體感頌同深今既舉定權理之員理合聯乞電 奏永歸商辦并電咨商部立案俾該權理得以盡力堅持將來

此路之成皆官保所賜口碑愛戴當與此路同長也再現在倉猝定議未及詳訂章程一俟集衆妥議再行稟呈鈞鑒

候示祇遵切赴官保大帥前恩准施行 計粘九善堂七十二行代表衆商蓋章投筒公舉單一紙隨奉 督憲岑

批據稟已悉此次粵省商民籌集路 衆情踴躍兩月以來已收小股至二百餘萬之多具見商民維持大局力權公

益良深欣慰現稱集九善堂七十二行商代表員投筒公舉鄭 應黃景棠許應鴻周麟述左宗蕃等五人為正總

理員應准照辦惟仍將總協理趕緊舉定接收路事方能奏咨立案以符商律仰即遵照稟及單並發 續海報

初五日愛育堂鐵路議案○昨奉岑督批示必須舉定總協理以符商律方能 奏咨立案從速接收路事等因現議前速舉定惟本公司總協理係以二萬股一萬股例推與奉 批舉接收路事之總協理不同似應易名為總辦副辦從辦名位以示區別而專責成今議舉定總辦一人副辦一人坐辦六人仍以投簡占最多數之鄭陶齋為總辦黃紹平為副辦許雲圖周麟台左少竹李敬寬黃碧珊羅寶臣為坐辦決議先舉五人以符前議茲將批詞錄左 督憲岑批據稟公同舉定以投簡最占多數之鄭官應為總辦黃景棠為副辦許應鴻周麟述左宗蕃為坐辦擔任路事遵照商律辦理准即如稟奏咨立案仰即刻日議定迅將路事接收妥辦並候行粵漢鐵路局遵照此繳 嶺海報

川督咨商核減路軌價數○鄂督張香帥近接川督錫制軍咨稱宜萬一路(宜昌府至萬縣)路綫劃定即行開築所需鋼軌前已向漢廠定造刻擬暫定六十萬噸惟該價七十兩頗昂請飭該廠酌量減少等因香帥當即照飭該廠總辦核實軌價開列清單呈報以便查覆 南方報

寓滬桂紳開會籌鐵路○廣西鐵路經留學日本同鄉開會創議自辦認股五十餘萬刊廣勸書數千冊分贈鄉人其機已動頃聞該省寓滬留學界聞報傳法人近又要求由上思通柳州之路權特於初九日九點鐘在徐園大會妥商辦法江蘇學政唐春卿侍郎到會演說甚久已發電岑雲帥詢問一切欲舉于晦若京卿為督辦云于京卿到廣東學政任未久今又裁撤正好為本省盡義務也 新聞報

創辦水電局○張宮保擬在漢鎮創設自來水電氣燈局廠振興市面特札委錢道紹慎為總辦李郎中維格為會辦開機器及應用物件現已籌辦惟擇地開局少須時日云 漢口公論報

岑督查察黃埔形勢○黃埔地方久經岑督會同張弼士議定在該處興築鐵路並廣闢商場由張弼士先行墊款辦理茲聞此次岑督出巡駐節黃埔會同在黃埔一帶親往查察形勢並有魚雷局總辦魏勳亦將該處形勢一一詳告蓋計畫該處所辦事宜不日將行開辦故有此番查察云 香港華字報

○以上各省事

東邦協會總會○東京初五日函云日本東邦協會初四日午後五時在華族會館開總會來賓有英國大使中國公使大隈伯林公使等該會設筵招待來賓晚餐席間會長黑田君起謝英國大使中國公使來會盛意並言英國大使駐節我邦六年為東洋之平和以及日英同盟各事盡力之人今日敢請登壇演說以增本會之光榮由橫井時雄氏通譯於是英大使麥格突璫君起為中國公使代表先述謝辭然後演說大旨謂英國皇帝有東洋之臣民(指印度)與東洋之平和大有關係今貴國確立東洋之平和以捐扶植鄰邦之重任殊堪欽敬云云次中國楊公使起述謝辭

並云英國大使曾駐北京為中國上下所信賴之人今舉此杯為大使祝大亦起述謝辭舉杯祝楊公使次會長黑田君舉杯祝大隈伯林公使等康健並求大隈伯演說大隈伯遂起演說曰我國既往對外政策之上有四大變遷第一驚愕時代第二研究時代第三利用時代第四擴張時代蓋我邦初進西洋文明為之驚愕次加研究次即利用之今更擴張彼我之文明漸至東西文明一致之域云云妮妮數千言聞者無不擊掌最後林公使舉杯祝黑田會長康健至九時散會當日東西各國使臣會聚一堂誠近日之盛會也 同文滬報

歐洲無耀武之舉○柏靈電云五月一日節已安然而過歐洲各部皆無耀威之舉德國於是日尤為安靖法國亦無亂事巴黎拿獲肇事者多人譯文匯報新聞報

德皇閱兵○柏靈電云德皇已回普斯德姆閣看近衛兵大操譯文匯報新聞報

事件

川督錫飭各屬修改監獄札

照得監獄之制所以衛囚徒也圖屏土室自古已然斥為罪人等諸大豕歷觀舊史為厲已多而當明盛之時恒有矜恤之舉我朝仁施普被獄囚衣食例支正項錢糧恤囚之恩詔頻頒凌虐之例禁特著用意非不週且密也為有司者若皆實力奉行何致滋弊乃任獄官主之家丁司之獄卒持之囚有待僮之刑獄有駢立之患垢敝臭穢殆非人境堂堂文明之國乃竟有此海外傳為笑談交口垢詆而為之吏者漠然不動手中當亦循良所疚心引為深恥而亟思有以潤澤之者也今者刪改刑律概從寬典新章所布動與監獄相關必先脩改完善然後法律可得而行而習藝一端事本相因藝既當習則獄必當改此又事理之最易明者惟是舊監年久率多敗壞不堪而託名為外監之卡房頹壞尤甚且管理無得法之人若改建新監而仍以舊習行之不旋踵而敝陋如故是改如不改也今為各屬熟籌有能集款別擇爽塏者即新建一區若費難多籌而地可展拓者酌量擬修其費難籌而地又無可拓者亦將作何修改之處繪圖註明丈尺擬定具稟以憑核奪大約修建之法一宜地勢高爽使溝水外洩以免潮濕一宜墻垣堅固以杜逃亡一宜多開窗櫺透光通氣窗以能啓閉者為上若慮疎虞窗外可加鐵網一宜于房內改換地板其頂簷向用竹篾者亦改用木板一宜添設木柵其窗櫺雖接仍宜隔斷以免擁擠一宜將大房分為數間每間數人以免人多易生機惡之氣一宜設浴所一宜

廟所移於僻處勿使穢氣熏人 一宜得寬敞院宇 一宜徒女監于偏隅其有能全監改修及另建一區者或仿試院舊舍之式而增寬廣或照輪船艙房之式而略變通各就財力地勢分別辦理絕不強以所難至於管理之法務將從前積習掃而空之茲訂定監獄規則所有條款皆取簡便實可見諸施行者絕無新奇衍奧之談照此踏實施行獄中夙弊自可收廓清之效所患者牧令不肯盡心仍付之家丁獄卒之手雖有良法美意亦必格而不行故欲除弊行法必先將此輩淘汰凡已沾習氣者一概屏斥另揀安人授以規則一不如法立加懲治庶乎其有瘳矣典史一官原不易為狡黠者月與堂官幕友門丁相勾結志在隔規而于本分應盡之職茫然不知其庸懦者又一事不理自命為安分而不知玩誤獄事已罹溺職之咎也嗣後無論內監外卡均由印官會同典史依法管理典史逐日親赴監卡開封收封印官或五日或一句親赴監卡按照規則逐事查察不准仍前典史專管內監而外卡付之家丁並將卡房名目革除能併者內外監併歸一處其目前勢不能併者卡房改為外監修理妥善不准再有差房等名目其有必不得已而暫押之人宜另設待質所其一時難以另設者只准押店派差一二名看管不准多派致耗口岸之費其本有待質所者管理諸法常較監內待罪人為優決不容差役露入施其虐搥之技經此次通飭之後不必待監卡修妥即可按照規則擇可行者先行之俟監卡修妥全行之此係特飭籌辦之件事關重要實地方官分內所應為者斷不計敷衍塞責務須切實遵行限文到一月內妥議詳細稟覆本督部堂仍不時派員徑往監內攷查也(附監獄規則) 一內外監及習藝所均責成印官督率典史認真管理痛除積習不准別立卡房差房名目 一革除牢頭不准以老犯管新犯每犯十名或十五名派一人看管或每一室派一人看管 一種種凌虐惡習首先痛禁有犯即重辦不貸 一人入監無絲毫費用敢有需索一錢者即重辦不貸 一監中房屋編列號數視室之大小能容幾人又按人數編號以備稽查 一監內增木榻以木柱厚板釘實約縱六尺橫四尺能臥二人即隔斷為一榻按次第挨順編號居住不得混亂 一重囚置於內監深密之處與情罪稍輕者宜隔別不可居於一室 一男女監要隔絕不得通聞 一監內每日打掃潔淨無論房廊院廚均不准堆積污穢每十日用大黃蒼朮白芷柏葉等藥薰滌一次 一監房多留光線以通空氣窗櫺隨氣候寒暖關閉惟收封後必全行開鎖 一冬衣夏席之類由官製給者本是官物向來給與之後即為入犯私物任意典賣仍無以禦寒暑即不典賣亦穢爛不堪應作為官物俟過時收回整理不堪者易之屆時再給用惟出監者悉與之至棉衣務取能禦寒蒲扇涼水宜多備 一監內器物逐一登記安置有定處不准凌亂有失隨時補備 一人犯財物入監時即登記出監時

照數點明携去平時仍收拾齊整不准任意堆放 一人犯財物看管人幫同照料不准別犯霸佔強索 一監內食品逐一檢點收藏買進食物概係生品其熟品不宜入監若不得已而用熟品必檢明無毒方許入監 一煙膏煙土煙灰概不准入監管監人等概不許吹食違者重辦 一藥料入監務令藥店按包註明藥名照方查對明白方許煎服 一人犯有病進監及監犯患病立即命醫調治不許怠玩 一人犯患病即移入病室俟病痊歸原房其病室宜與各監房相離稍遠以防沾染穢惡 一人犯病故移入屍室應驗之屍在外監屍室內用沙土掩蓋不准暴露驗後限兩三時內棺殮拾出仍將屋地薰洗潔淨 一監內有老幼廢疾人犯宜加意調護 一重囚性惡決不待時之犯宜嚴加看管情罪稍輕者寬待之輕罪及性情馴謹者優之 一人犯內有狡黠教誘各犯為非者隨時戒斥並令各犯勿得聽從其性情強暴凌人者應加禁制倘有不遵報官處治 一人犯內有代人作詞狀者禁制之違則報官處治 一人犯不准口角打架 一人犯不准羣聚喧嘩 一人犯不准賭博 一人犯不准飲酒 一人犯不准典當衣物借貸各犯銀錢 一人犯親友探視許由看管人將犯帶至監壁孔前相見如有給與人犯物件照數登簿惟犯禁物不准接收一監內看管人或兼巡警或不兼巡警酌量繁簡分派其巡警人日夜分六班每班值班二時輪流替換違誤頂替者罰辦 一監內人役須先授以規則人犯入監亦先告以規則違者罰辦

批摺摘由

四月十六日摺片三十一件

袁世凱奏 勘估溫榆河果渠村歲修各工 該部知道單併發 又報撥吉地錢糧等銀 戶部知道 又恭繳順天學政關防 知道了 又報撥各陵員役俸餉等銀 戶部知道 又副將沈金玉等留於直隸補用 兵部知道 又請以王鳳儀補授開州協副將 兵部議奏 又報飭動用備防稍料工程銀兩 該部知道 又請以黃懋澄調補中軍副將 兵部議奏 又撥解長蘆鹽課第一批銀兩 戶部知道 又直隸徵收煙酒等稅請以錢數改為銀數 戶部議奏 綽哈佈奏 查閱滿營營操 知道了 又查閱振威新威兩營洋操 知道了 又查閱滿營精兵操練 知道了 又城防現辦警察 巡警部知道 胡廷幹奏 副將王來魁積勞病故請卹 著照所請該部知道 又知縣麥錫良丁憂開缺 吏部知道 又四川鹽茶道黃承喧捐立學堂請獎 著照所請禮部知道 又試用道

宗儀報効助賑請移獎 該部議奏 又領解本年第一批籌備餉需 戶部知道 又領解本年第二批地丁京餉 戶部知道 又領解本年第一批練兵經費並戶部銀庫飯銀 練兵處戶部知道 又試用道吳慶燾留省序補 吏部知道 升允奏 請以張振邦補固原提標右營遊擊 兵部議奏 又三十一一年收支各項銀兩報銷 該部知道 又請以遊擊強恕補鹽茶營都司 兵部議奏 又請以隆山調補金塔營都司 兵部議奏 又請以馬占全補馬營監遊擊 兵部議奏 又利橋營都司陳龍書出缺遺缺另揀請補 兵部知道 又碾伯營都司趙鴻慈出缺遺缺另揀請補 兵部知道 又請將營用守備雅輔國留於陝甘按班序補 著照所請兵部知道 楊士琦奏 幫辦電政任事日期 知道了 政務處一件

戶部 奏江海各口出入米數應行切實稽查仍擬酌提米捐解部一摺奉 旨知道了 四月十六日

兵部奏 整頓驛站章程事奉 旨依議 又催各省武職保案送部覈議事奉 旨依議 又片奏葉國廷縮改保案事奉 旨依議 又山西巡撫奏陳子勝請獎職職事奉 旨依議 又片奏國富襲職事奉 旨依議 又議覆湖廣總督奏王得勝補參將事奉 旨依議 又議覆雲貴總督奏李永清補守備事奉 旨依議 又查明韓鳳昌補副將事奉 旨依議 又三箇月奏 聞事件事奉 旨知道了 又加封寄字月摺奉 旨知道了 內務府奏查驗因病出 宮女子事奉 旨知道了 變儀衛奉轎片奉 旨知道了 欽天監奏立夏風占事奉 旨知道了 領侍衛內大臣奏十七日 皇上閱視 祝版十八日祭 天壇擬派前引後扈管事奉 旨知道了 四月十七日摺九件

升允奏 三十一年分處決重犯名數 刑部知道 升允奏 二十五年各屬倉穀收支數目 戶部知道 又請以劉玉魁補利橋營都司 兵部議奏 又張順元補涼州鎮屬安遠營都司 兵部議奏 又德匯補洪廣營遊擊 兵部議奏 又將該革縣徐光興原籍家產查封備抵定州錢糧 著照所請該部知道 又准將馬毓良原保各案依次遞改 著照所請兵部知道 貽穀奏 奏領福森奏恃勢詐財請革訊 著照所請該衙門知道 又士默特蒙古官兵津貼數目 著照所請該衙門知道

奏稿

奉天將軍趙奏擬更定奉省官制摺

奏為遵擬更定奉省官制參酌中外辦法繕具章程清單恭摺仰祈 聖鑒事竊維易訓變法乃臻可久禮經體國莫先設官誠以損益因時憲章有制固非因陋就簡所可窺功亦非罅漏補苴所能成治也奴才前奉 上諭令將奉事變通辦理不必盡拘成例嗣准政務處咨於議覆侍郎沈家本條陳時事摺內聲明候補京堂曾廣銓條陳分設局所等條為當務之急令詳酌妥籌奏明辦理欽奉 諭旨允准恭錄鈔奉遵照前來仰見 朝廷眷顧留都破除成例動規久遠之至意前於奏裁府尹摺內奏明俟東事大定再當參酌中外辦法更定官制上邀 聖鑒現條約已立日俄兩國之兵漸次撤退奉省局勢略定百端待舉振理綱領必以更定官制為先查奉省本以將軍兼總督 聖朝鄭重留鑰歸一事權光緒初元已立參訪行省之制近自軌路遠達遼東夏一隅全球注目談舊制者皆謂可改行省通時事者皆謂必創新規數月以來詳證古今博參中外竊謂宜設行部統治以助歐美屬地施政之權宜分參貳佐治以破元明各省相沿之習敬將遵擬辦法為我 皇太后 皇上陳之中國各省官制沿自前明其始以布政司易行中書省為政府而以糾治屬之接察司繼苦文武不一政權不一於是又設督撫以監督之是外省政寄已屬疆臣而布按實權早經潛徙我 朝咸豐以後籌兵籌餉多屬創行藩臬所例辦者不能兼綜於是各省添 營務籌餉善後等局繼以理各項要政前湖北巡撫胡林翼謂以破衙署之窠臼近以舉辦新政而營務學務農工商諸事又別立專局派專員雖多委令兩司兼理實則職掌過繁兼顧者少署衙畫諾徒擁虛名近三四十一年藩臬而與督撫合者僅如南北朝文統府之上佐唐節度之行軍司馬預謀畫承指揮行文贖而已不 者則相牽制生攻訐或一歲而數易論者多謂督撫侵權不知疆吏之與兩司權限本未分明藩臬有權則督撫為虛位前左副都御史薛 成曾著書詳言之 中興以後有名督撫於用人理財察吏諸大端無不纖藩臬職事者皆其明證且藩司重在錢穀而任藩司者不必盡能理財臬司重在刑名而任臬司者未必盡能理獄自不如稍參舊習可冀有裨此布按之不必沿襲也東西各國於所屬要地類皆專設大臣職掌一方政治日本於所屬建置亦略倣之中國魏唐行臺尚書省外則總領諸州諸道內則分列子部辦法略同現擬總設一署內列諸司而統理於部長如此則合督撫布按所掌於一署而無職同位複之嫌化新舊各局處為實官而無事重人

經之費廣銓所奏分設外務等六局以司道大員分任者尤與此意相合在內地見聞習慣或且謂當更張在邊疆
 結構一新斷不容仍拘舊轍此局所之宜改官署也今各省相沿稱爲行省 欽定一統志督撫均稱部院漢十三州曰
 司隸等部擬即合 盛京將軍奉天總督及舊五部府尹之政併於一署之曰 盛京行部附設綜核處並將舊各
 局署歸併分設內務外務吏治督辦財政司法學務巡警商礦農工凡十局設行部大臣一員總理庶務綜核處隨同辦
 事此外內務爲將軍專責外務爲交涉關鍵用人用 關係治亂應以內務外務吏治督辦四局由行部大臣判此外
 設參贊一員副參贊一員左右參議二員左右副參議二員酌令按才地所宜 判各局以資助理謹擬章程各條繕具
 清單恭呈 御覽前代更改官制如唐修六典宋改新階往往博選通才設局討論經年累月而後施行日本維新至今
 官制亦迭有更改是必視國勢之進步國民之進化與爲推遷原 一成不易又歷代官制多於國初頒定其後但知墨
 守鮮維維新致弱之原亦多由此現在酌擬辦法係就本省目前時勢規畫嗣後如有應行變通之處仍當隨時奏明辦
 理世變日亟東事日艱凡奉省治制之弛張皆係五洲之瞻聽恭頌輔旬又值 聖明責望更化之時若蹈襲故常莫
 規詳備則上負 朝廷勵精之意下辜中外望治之心非奴才之所敢出也用是不揣冒昧據實上陳伏懇 飭下政務
 處會議施行不勝惶悚之至所有遵擬改定奉省官制各緣由謹會同北洋大臣袁 恭摺具陳伏乞 皇太后
 皇上聖鑒訓示謹奏

兵部謹 奏爲核覆甘肅關內防軍報銷恭摺仰祈 聖鑒事內閣抄出陝甘總督升允奏甘肅關內防軍光緒二十
 八年收支各款報銷一摺奉 硃批該部知道欽此欽遵到部隨據造冊送部核銷前來自應逐款核覆 一冊開倒
 馬價銀一欸查定例甘肅營馬每匹准銷銀八兩等語此次冊造關內防軍馬隊各營旗馬匹數目仍照每年按十分倒
 三章程買補共應買補馬四百一十三匹零二釐五毫每匹價銀八兩除扣皮臘變價銀五錢外實支銀七兩五錢核與
 例價相符所有請銷銀三千零九十七兩六錢八分八釐應准開銷 一冊開倒搬運子藥夫口糧一欸查前據陝甘總督
 咨報步隊每營搬運子藥夫三十六名每旗搬運子藥夫二十四名每名坐糧日支銀八分行糧日支銀一錢等因在案
 此次冊造步隊各營旗每營搬運子藥夫三十六名每旗搬運子藥夫二十四名每名均按坐糧日支銀八分除小建扣
 支外共請銷銀一萬八千七百四十四兩核與准銷成案相符應准開銷 一冊開倒陣亡官弁卹賞一欸查冊開陣亡儘
 先守備郭蘭照例給卹銀三百五十兩照章每一兩折銀五錢共折銀一百七十五兩又署大通營把總儘先守備趙俊

照例給卹銀三百兩照章每一兩折銀五錢共折銀一百五十兩大通營把總王鎮恩尉尉世職袁國祥經制年起盛李
 生正張福昌等五員均照例各給卹銀一百兩照章每一兩折銀七錢共折銀三百五十兩六品軍功余得福秦兆勝等
 二員均照例各給卹銀七十兩照章每一兩折銀七錢共折銀九十八兩傷亡西甯城守營把總李朝先從優照守備例
 給卹賞銀三百兩照章每一兩折銀五錢共折銀一百五十兩以上請銷銀九百二十三兩內扣除六分減平銀五十五
 兩三錢八分實請銷銀八百六十七兩六錢二分以上各員弁卹案除傷亡總李朝先一員冊內未經聲叙係何年月
 日奉 旨給卹臣部無從檢查應令詳細聲覆再行覈銷其郭蘭等九員弁共請實銷銀七百二十六兩六錢二分核
 與卹案章程相符應准開銷 以上統計臣部准銷湘平銀一萬九千四百七十一兩六錢二分行查卹賞銀三百兩所有
 臣部核覆甘肅關內防軍各款緣由理合恭摺具陳伏乞 皇太后 皇上聖鑒謹 奏光緒三十二年三月二
 十六日奉 旨知道了欽此

兵部謹 奏爲核覆浙江防軍善後報銷恭摺仰祈 聖鑒事內閣抄出浙江巡撫張曾敭奏浙江省光緒二十九
 年分防軍善後報銷一摺又附奏輪船薪費報銷一片均奉 硃批該部知道欽此欽遵 到部茲據該撫造冊咨送
 前來自應逐款核覆 一摺事差遣文武員弁騎駝折夫一欸冊開文職道員每員給騎駝馬一匹知府每員給騎駝馬
 八匹同知通判每員給騎駝馬六匹佐雜每員給騎駝馬四匹武職都司守備每員跟役六名合給騎駝馬二匹四分千總
 把總每員跟役三名合給騎駝馬一匹二分每馬一匹折夫二名每名日給 價銀八分共請銷銀一萬二千二百七十
 八兩八錢四分八釐臣部按軍需則例所載騎駝馬四匹及每馬折夫並武職跟役名數均屬相符其日給八 之數亦
 與浙省從前銷過洋務成案無浮所有請銷銀兩應准開銷 一雇募長夫工食米折一欸冊開省城防軍支應局雇募
 長夫二十名軍裝總局十名甯郡支應轉運局十二名每名分日給工食銀五分日糧米 升折銀一分五釐六毫六絲
 連開實計三百八十三日共請銷銀 千零五十六兩二錢六釐七毫六絲查甯郡局長夫名數歷屆各案因浮多二名
 屢經臣部逐案刪除并行令該撫將因何浮多 隨案核實刪除之故查明報部在案此次冊報該局夫數仍係浮多
 二名計銀三十兩二錢九分五釐五毫六絲亦應刪除其餘銀一千零五兩九錢一分 釐二毫核與軍需則例載 送軍
 裝糧餉等項雇夫工食米折數目相符應准開銷惟米折銀數與該省糧 是否相符應由戶部查核 一採辦土硝運
 省每斤每百里支銀一錢在案查浦城松溪及浙省泰順慶元等縣採運省均距省千有餘里應照舊章每百里支銀一錢

兩不給米合。經臣部查與定例運送軍火五十斤用夫一名每名每百里給工價銀五分。口糧米一升之數有減。在案。此次冊開採買淨礮五十四萬五千斤。內除每斤給包索銀一錢一分三毫九絲共銀六百零一兩六錢一分五釐五毫。應由工部核銷。其餘運費銀五千四百五十兩。核與准銷成案相符。應准開銷。一冊開輪船薪費。二款前經船政大臣沈葆楨奏一百五十匹馬力輪船配官弁舵水人等九十八員。每月支薪糧銀一千六百九十九兩五錢公費銀三百兩。扣建支發。又輪船帶兵官員月支不扣建銀二十兩。兵丁二十名。每月支扣建銀四兩。經戶部劃歸臣部核銷。嗣經該撫奏請續添練兵二十名。經臣部准。在案。又於光緒二十三年三月裁撤帶兵官員兵丁四十名。續添練兵三十名。每月支發扣建薪工銀六兩。亦經臣部准銷。在案。此次冊造開廠調辦。超武輪船大建月支薪工銀一千六百九十九兩五錢公費銀三百兩。小建月支銀一千六百三十四兩一錢五分。公費銀二百九十九兩三錢。等水手三十一名。每月支扣建薪工銀六兩。共請銷銀二萬七千七百一十兩零五分。順利小輪船配管駕人等六名。月支薪工等銀四十八兩。共請銷銀六百一十四兩。威遠輪船配管駕人等四十三員。大建月支薪工銀三百六十一兩六錢二分。小建月支銀三百四十七兩一錢八分八釐。不扣建公費月支銀一百零九兩五錢。共請銷銀六千零一十七兩五錢三分。六釐。四安輪船配管駕人等十一名。大建月支薪工銀六十六兩八錢。小建月支銀六十四兩五錢七分三釐。不扣建公費月支銀十五兩。共請銷銀一千零四十七兩八錢一分一釐。又永靖永安永福永定四輪船各配管駕人等三十六員。名每船均大建月支薪工銀四百六十二兩。公費銀一百一十兩。小建月支薪工銀四百四十六兩。六錢。公費銀一百十六兩。共請銷銀二萬九千七百二十兩零八錢。查順利一船月支薪工等銀。屢經臣部扣建核銷。在此大冊報仍多開小建銀十一兩二錢。應即刪除。其餘銀六萬五千一百零八兩九錢九分七厘。核與上屆准銷成案相符。應准開銷。一卹賞養傷一欸。查冊開陣亡弁兵彭竹春等四名。每名給卹卹銀三十兩。共銀一百二十兩。頭等傷兵余建功等三名。每名給養傷銀十五兩。共銀四十五兩。二等傷兵陳海雲等二名。每名給養傷銀十兩。共銀二十兩。三等傷兵金貞祥等二名。每名給養傷銀五兩。共銀十兩。以上共請銷銀一百九十五兩。核與楚軍章程相符。應准開銷。以上統計臣部准銷銀八萬四千零三十八兩七錢五分八釐二毫。刪除銀六十一兩四錢九分五釐五毫六絲。應令追繳歸欸。報部查核。其餘鹽糧馬乾工食書識口糧等項。應歸戶部核辦。製造工料輪船煤炭修理器具篷索等項。應歸工部核辦。所有臣等核覆浙江防軍善後報銷緣由。理合恭摺具陳。伏乞 皇太后 皇上聖鑒。謹奏。光緒三十二年三月廿六日奉 旨知道了。欽此。